

**Razvojna banka Federacije  
Bosne i Hercegovine  
Predsjednik Uprave**

Broj: 3115-IX/19  
Sarajevo, 10.4.2019. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj: 3097-IX/19 od 9.4.2019. godine i člana 20. Statuta Razvojne banke Federacije Bosne i Hercegovine, u postupku javne nabavke usluga održavanja i servisiranja službenih vozila Razvojne banke Federacije BiH marke Škoda u ovlaštenom servisu, Predsjednik Uprave Banke donosi

**ODLUKU**

**o izboru najpovoljnijeg ponuđača u postupku javne nabavke usluga održavanja i servisiranja službenih vozila Razvojne banke Federacije BiH marke Škoda u ovlaštenom servisu**

**I**

Prihvata se preporuka Komisije za nabavke iz Zapisnika o pregledu i ocijeni ponuda broj 3097-IX/19 od 9.4.2019. godine i okvirni sporazum za predmetnu nabavku dodjeljuje se ponuđaču Porsche Inter Auto BH d.o.o. Sarajevo.

**II**

Ponuda ponuđača iz tačke I. ove odluke zadovoljava sve uslove utvrđene u predmetnom konkurentskom zahtjevu za dostavu ponuda sa opcijom okvirnog sporazuma sa jednim ponuđačem i Okvirni sporazum će biti dodijeljen izabranom ponuđaču u skladu sa elementima ponude, te uslovima i kriterijima utvrđenim u obavještenju o nabavci i tenderskoj dokumentaciji.

**III**

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici [www.rfbih.ba](http://www.rfbih.ba), istovremeno s upućivanjem iste ponuđačima koji su sudjelovali u ovom postupku.

**IV**

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

## **OBRAZLOŽENJE**

Odlukom broj 2413-IX/19 od 20.3.2019. godine, odobreno je pokretanje postupka javne nabavke usluga održavanja i servisiranja službenih vozila Razvojne banke Federacije BiH marke Škoda u ovlaštenom servisu za period od 12 mjeseci. Javna nabavka je provedena putem Konkurentskog zahtjeva za dostavu ponuda.

Procijenjena vrijednost nabavke iznosi 3.000,00 KM.

Obavještenje o nabavci predmetnih usluga objavljeno je na Portalu javnih nabavki dana 25.3.2019. godine, broj obavještenja: 1011-7-2-194-3-9/19.

Tenderska dokumentacija objavljena je zajedno sa obavještenjem.

Odlukom Ugovornog organa broj 2633-III/19 od 29.3.2019. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

U predmetnom postupku javne nabavke dostavljene su dvije ponude:  
Ponuda ponuđača Porsche Inter Auto BH d.o.o. Sarajevo i ponuda ponuđača TRIAB d.o.o. Sarajevo.

Komisija nadležna za provođenje predmetnog postupka, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda broj 3097-IX/19 od 9.4.2019. godine koji je prilog ove Odluke i u kojem je utvrđeno sljedeće:

- ponuda ponuđača Porsche Inter Auto BH d.o.o. Sarajevo je prihvatljiva;
- ponuda ponuđača TRIAB d.o.o. Sarajevo je neprihvatljiva iz sljedećih razloga:
  - ponuđač nije dostavio izjavu ponuđača o posjedovanju autorizacije/ovlaštenja od strane proizvođača Škode kako je traženo tačkom 15.2. tenderske dokumentacije. Naime, tačkom 15.2. tenderske dokumentacije traženo je da se u ponudi dostavi izjava ponuđača o posjedovanju autorizacije/ovlaštenja od strane proizvođača Škode za pružanje usluga održavanja i servisiranja vozila marke Škoda (izjava treba da bude dostavljena u originalu i ne smije biti starija od datuma obavještenja o nabavci).
  - Na obrascu za ponudu-Aneks II pogrešno je upisan broj obavještenja na Portalu javnih nabavki (upisan je broj 40/19, a broj obavještenja o nabavci je: 1011-7-2-194-3-9/19)
  - nije numerisana stranica ponude na kojoj se nalazi popis dokumentacije.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Procijenjena vrijednost nabavke-usluga održavanja i servisiranja službenih vozila Razvojne banke Federacije BiH marke Škoda u ovlaštenom servisu iznosi 3.000,00 KM bez PDV-a i na ovaj iznos će Ugovorni organ zaključiti okvirni sporazum na 12 mjeseci, računajući od dana stupanja okvirnog sporazuma na snagu, prema cijenama po jedinici mjere iz obrasca za cijenu ponude broj PIA-141/19-S.H. od 5.4.2019. godine i pojedinačnog broja usluga unutar okvirnog sporazuma, do gornjeg praga vrijednosti do kojeg okvirni sporazum pojedinačnim ugovorima može biti iscrpljen/iskorišten, odnosno do ispunjenja ugovorne cijene, u zavisnosti koji kriterijum se prvi ispuni.

Izvršenje usluge vršit će se putem pojedinačnih ugovora/narudžbenica zaključenih na osnovu okvirnog sporazuma, s popisom usluga i roba koje će se ugrađivati/mijenjati pri čemu ukupna vrijednost pojedinačnih ugovora (zbirno) ne može preći utvrđeni maksimalni iznos okvirnog sporazuma (procijenjena vrijednost nabavke, bez PDV-a).

Imajući u vidu sve prethodno navedeno, odlučeno je kao u dispozitivu ove odluke.

**Pouka o pravnom lijeku:** Protiv ove Odluke može se izjaviti žalba u pisanoj formi Ugovornom organu-Razvojnoj banci Federacije BiH, Igmanska 1, 71000 Sarajevo najkasnije u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka, direktno ili preporučenom poštanskom pošiljkom.



**Predsjednik Uprave**

**Salko Selman**

Dostaviti:

- Učesnicima u postupku